

度

支

奏

議

畢司徒度支奏議序

同籍四友長安以為美談蓋  
閱歷四十年當

聖主綜核名實之會黑白顯行  
極辨一時並得稱名卿為希  
覲云四友中畢司徒最少冢

宰得請後受

主知最深一身莞軍國大命最  
重亦最義夷攷其世守身守  
官皆從實地見竒而不爭於  
時寧拙遲無巧速闇而日章  
久而彌光作用抑畧相似也

司理地取糴以廉著最訛以  
善得情著而不以市交取重  
擢纜司白雲既用冬官節省  
勞擢淮徐不三月旌卓異蓋  
猶用司李時民譽云冀寧疏  
請發帑河東平反冤獄聲驟

起遽引疾歸即家拜行邊使  
者滄岷禦海虜靖邊修二城  
邊人尸祝倚為長城而不以  
邊才自炫凡公所建置皆  
規恢為百世計至因以收物  
望取顯重似泊然無意乎其

聞者遼瀋瀆急推擇才諳衛  
根本乃始用冏卿出撫津幕  
府初立一時談兵者皆外廓  
落為大言泥沙金錢無算

公獨節費用之水陸兵萬皆  
選市為造舟庀器甲居然重

鎮東師燿援兵皆散津所遣  
獨堅鼓行無前却而會妖寇  
急議者謂津兵可用師出景  
武殲其黨幾盡妖勢孤遂不  
支已擢董餉又兼餉撫事所  
為罷陸運建倉廩皆利害大

竅會使水水可遵守又事事  
可綜核三年間鮮運關運四  
百餘萬無人舟不可問如近  
日事既驟留臺司留計一切  
釐沿習敝政政綵舊計事漸  
裕而璫焰方熾公前兩疏



皆犯璫忌已凜凜不自安尋  
見獻諛章交公車遂移疾一  
辭而退蓋璫仄目文矣

上既改紀庶政即家以大司徒  
印授公公所擘畫多當

上指計盈縮不復計恩怨新餉

之數襍款清虛冒多中外所  
不喜邊臣以虛冒為固然聞  
之尤感額額所指摘多中情  
實莫能難也以屯贍軍制也  
民運叅佐之猶屬更制京運  
非制也自英廟始也京運行

而人且視民運為贅新餉起  
而人復視舊餉為贅歲逋且  
百萬左計甚矣公直挾弊

源

明旨如響答中外稍震悚顧以  
語主兵者猶半應半不應以

詰諸邊臣邊吏十僅得貳叁  
當虜騎充斥援兵棊置額外  
仰給司農何啻百萬四應無  
缺咄嗟立辦關門月支九邊  
歲給不復見殫匱之形猶藉  
此圯圯主持之力云爾

上既用恢復功晉公太子太保  
議者謂惟公廉敢任事功  
在

社稷為無負云冢宰御史大夫  
缺輿望屬公

上雅悉公治辦謂度支非

公不可

天語褒嘉蓋異數  
至今所刺度  
支奏議若干卷  
何嘗斷斷兮  
左右袒墮器爭習氣  
何一不  
視

國如家從實地拮据  
要以歲計

世計 公所條上真不可易  
覽者詳之何以登何以耗何  
以盈何以誣非特見籌

國苦心亦當世得失之林也

昔

崇禎四年歲次辛未秋仲毅

旦

西吳年弗沈演



度支薄伐奏議題辭

度支薄伐奏議此虜警  
以來所朝夕條上封事  
也

上不以臣嚴爲不肖命統  
中邦之賦二年于茲矣

逢時之艱手捋口瘖僅  
此紙上陳言無能佐度  
支萬分一

天子軫念

封疆

宵旰其未有釋焉臣罪曷

道雖然臣力蓋竭臣心  
益苦矣夫司農以出入  
掌天下邦計者也則壤  
定賦成規具在何至遂  
如幻蜮之不可問乃今  
日者肉旣已剗肘亦且

露旦夕之命難必緩急  
之數莫救也此其故難  
言之矣自遼左發難以  
來東西交訐處處騷驛  
者幾十年所爾乃封豕  
饞蛇盤伏肘腋間

天子赫然命討關鎮之將  
雲集勤王之旅星赴也  
月糗行餼舊鏹新齎有  
一一不取辦司計者乎  
司計者卽令手可左右  
畫脛可東西馳當亦搯

何術應之也

累朝儲餼蕩若洗矣間左  
膏脂殫若乾矣加派搜  
括諸例旣如竭澤之不  
可再屯鹽鼓鑄各款又  
如聚沙之不可成嗟嗟

削針聚之逝波滌之九  
頭爭喙一瘦潰元是亦  
難言披髮呼之冷袖去  
之獨拍莫響長鞭不痛  
是亦難言漏船居之驕  
雛奉之有牙狺狺維音

噍噍是亦難言丁斯時  
也卽令夷吾握籌鄴侯  
司券劉晏輩權子母於  
其傍終不能調懸梅之  
渴激活鮒之勺也况謏  
焉者乎徼天之靈



皇威遐鬯夷氛遠淨猶可  
勉苴目前不卽以首領  
膏斧鑕然而羸馬智窮  
拙婦炊盡精衛卒難填  
海蝨蠖終成墜壁母亦  
纍纍陳言寄之紙上以

明吾老臣牛馬之報在  
茲編也心力枯於斯而  
知罪亦聽於斯

峇

崇禎歲在庚午月在壬  
午

賜同進士出身資德大夫  
正治上卿侍

經筵

太子少保戶部尚書淄青  
畢自嚴題於計部之經  
濟軒

堂稿自序

度支奏議一書嚴不佞五載心血  
盡於此矣標堂稿者何稿所載大  
都拜官晉秩辭秩舛誤認罪衰老  
乞骸及家難控顛等章皆私情也  
例不錄各司案呈其次則爲

召對登答之稿矣登答以補敷奏所

未盡其次則爲條陳便宜之稿矣  
條陳必出胷臆所獨見又其次則  
爲糾薦官員申救司屬之稿矣糾  
薦原從錢穀起見申救亦爲堂屬  
存體款皆有限惟是己巳之冬變  
起倉卒雉堞之外卽爲戎郊埤卒  
戰旅所在叫號於是

聖明不時傳

昔倚馬需報嚴亦不敢復下所司磨  
屑屬草寥寥質語纍纍成帙蓋其  
侈也他若會議邊餉去取群策徵  
收之壓見直剖撫賞之部邊分過  
揀糧金吾之紛糾行取推知之查  
駁屯鹽大政之集議動關輿革矢



口嫌怨皆以癡腸熱血扼腕而  
不顧利害不避忌諱其間硜硜  
掌者固多而忤時賈戾亦復不少  
惟賦役全書一事謬欲盡清海內  
之田賦卒以築舍未成僅搜括四  
十餘萬抵充邊餉少救庚癸于萬  
分一耳嗚呼觀於堂稿而嚴之體

際堪憐嚴之朴慙亦堪嗤種種棘  
局種種孽案也作堂稿序

崇禎癸酉仲夏端陽日長白居易  
畢自嚴識



度支奏議目錄

堂稿一卷

初辭起官戶部疏

中途再辭疏

寧遠兵變東躬待罪疏

委官清查邊餉增額疏

節省公用助餉疏

遼餉不敷濟急無奇疏

舊餉告匱邊鎮呼戾疏

遼變原因缺餉互訐漸至失實疏

度支奏議卷之一

太子少保戶部尚書淄青畢自嚴視草

初辭起官戶部疏

奏爲驚聞

綸命自揣難勝懇祈

聖明俯容辭免以安愚分以重邦計事臣於崇禎元年六月十二日准吏部咨本年五月二十六日該本部會題爲缺官事本月二十九日奉

聖旨畢自嚴起戶部尚書欽此又見邸報

皇上平臺召對軫念軍

國命脉

特允輔臣之言獎藉微臣

勅令推補臣愚反躬滋懼拊已多慚集木臨淵跋躅靡已除恭設香案望

闕叩頭謝

恩心伏念臣一介草茅

四朝葑菲智能原屬短淺年力亦已衰遲服官雖竭厥弗辭而踈拙盡露立志雖孤忠自許而疎曠

實多憶丙寅歲臣待罪留計維時逆鑑擅權搜括天下帑藏一日內守備太監劉敬楊國瑞詣臣私寓以南京太僕寺牧馬草場變價事傳逆鑑意令臣爲之臣以職掌弗關迎合可耻堅辭不任且國瑞爲逆鑑乾子每有文移向部索取年例錢糧無不殊甚臣義不受辱適值水土不服脾胃作惡積勞頓發痰火爲祟遂請老以歸臣猶惴惴然懼禍之及也恭遇

聖明御極剪除逆鑑海宇無不快心臣愚亦爲吐氣

卽縶臥丘壑有餘榮矣用是跼伏草野歌咏  
平片牘寸楮不入長之豈意誤蒙

聖恩再起今職實出臣夢想之外

天高地厚亦何情捐糜頂踵以圖報稱但臣前經  
留計雖亦錢穀是司然出納有限而案牘亦繁  
臣猶以衰病自免至於戶部總統中邦之賦百  
需仰給艱繁十倍南都矧也兵氛未靖於東西  
民力已窮於輸輓欲蠲徵而九邊之呼庚足慮  
欲措餉而百姓之剝肉堪嗟此其爲任非大有

才望卓有經濟之臣未易勝其任而愉快若如  
臣形衰體憊識闇才綿寧有病不勝南而顧可  
勝北者乎。短而使之汲深力小而責之任重  
黔技易盡恐孤

北極之恩驚足難前何補東隅之失臣私心實慮  
焉與其既事而捉襟見肘致誤軍

國之計孰若未事而量力度德以讓弘碩之人臣  
於此時真有萬萬不敢肩承者謹披寸衷瀝  
控蘇伏祈

皇上鑒臣情。以真懇語非矯飾。收回

成命。容臣仍前休致。在籍調理。另

簡賢能以充厥任。庶臣愚可免於負乘。而邦計不至  
於匱乏。微臣之幸亦邦計之幸也。以愚無任惶

悚待

命之至

崇禎元年六月十九日具

奏本月二十九日奉

旨。卿敬慎端亮。與望久孚。司農重任。特茲簡畀。宜



速來赴任不准辭官部知道欽此

中途再辭疏

奏爲遵

命星馳中途患病再懇

天恩俯准休致以保餘生以充

國計事所以衰遲病體拙劣非材久懷知止知足之心絕鮮足食足兵之策承乏起用五內悚惶

前六月內曾奏爲驚聞

綸命自揣難勝懇祈

聖明俯容辭免以安愚分以重

邦計事續於七月內准吏部咨前事奉

聖旨卿敬慎端亮輿望久孚司農重任特茲簡用宜速來赴任不准辭該部知道欽此又兩准戶部咨該戶科給事中段國璋題爲挿氛甚惡軍需孔棘等事奉

聖旨據奏虜勢猖獗這宣大軍餉着該部權宜那借以救危急新推計臣畢自嚴等火速前來任事勿得延緩嚴催外解如議行該部知道欽此又該戶部署部事左侍郎王家楨題爲代庖叢脞日甚

等事奉

聖旨司農重任國計所關夷虜未靖邊餉孔棘尚書  
畢自嚴等著卽刻期到任料理以副委任該部知  
道欽此俱經備咨到部爲照

國儲告匱上煩

君父之焦勞

異命重申寧容臣子之佚豫蓋召不俟駕臣夙受教  
於聖門矣旣控辭而不獲爰竭蹙以徼征隨於  
七月中旬馬首北指冒暑戒行靡顧三伏未盡

戴星疾趨罔辭百里兼程滿擬旦夕履任拮据  
軍實於以上報

主恩下供臣職實臣愚之上願而大幸也不意行至  
河間地方夙疾陡發痰涎壅盛咳嗽幾無停聲  
瀉痢交作飲啖亦復中格偃蹇牀褥委頓難又  
然後知臣真衰真病譬之老馬罷牛其不可施  
於羈勒鞭策審矣

簡書在目誠內顧以懷驚膏盲在躬欲力疾而弗克  
似此衰憊潦倒之軀夫豈任重道遠之具際官

溺職弗卜可知誠不若引身而退調攝殘年以  
自附於不能者止之義猶庶幾不至於自誤而  
并以誤

國也跼地無以自容呼

天殊非得已懇祈

聖恩寬臣斧鉞放臣草莽別選賢才以經

國用則重任不苦於虛擁而微臣得逭於覆餗矣  
無任惶悚隕越之至

崇禎元年八月初三日具

奏本月初六日奉

旨司農國計所關邊疆多事需賴正急卿既抵近畿着卽速來到任料理不必遜辭該部知道欽此

寧遠兵變束躬待罪疏

奏爲寧遠兵變臣弟隕生有負

國恩無辭溺職謹束躬待罪恭

請罷斥以伸

寧遠有警

國法以遂下情事臣同胞弟自肅少臣十有一歲

幼年臣父令之從臣肄業恩義尤篤嗣是濫竽

一第初令定興頗著能聲壬戌行取祇以臣承

乏督餉侍郎三品子弟例須迴避不與考選止

授禮部主事丙寅寧前兵備員缺人多舉是取



以臣弟推補臣弟義不辭難適值淋雨  
圯至卽大修以爲守計數月之間新髮皓  
卯奴兵大舉入犯寧錦臣弟協同任撫臣  
陞督師尚袁崇煥竭履捍禦効有微勞事後  
加銜太僕少卿今春荷蒙

聖恩擢陞遼東巡撫

天高地厚矢志捐糜時臣卧疴里居家信往來動以  
潔已奉公殫忠報

國少樹尺寸以答

聖明而耀門庭。臣弟唯唯撫遼。六閱月。選將練兵。務以闢土恢疆爲己任。大都以遼人守遼土。以遼將統遼兵。不尚張皇。第求實著。如是而已矣。五月。再從。臣弟先期收歛。堅壁清野。固守以待。不得志。未敢進窺。寧遠而逝。旣不浪戰。以墮軍實。亦不征調。以疲物力。所全實多。勢退之。後督主客官兵。用磚包砌錦州。匝月報竣。又石築杏山城垣亦完。分兵駐守。藩籬旣固。湯漸。仍遣覺華遊擊張斌。良水師出沒三

谷屢有伴賊安撫降表於大興堡沙河堡等處  
而居異城而守不爲心腹之虞。雖有前表之  
此皆彰明在人耳目者也。惟是名位卑微物議  
輕淺軍前百需呼號不應天下無不倒之管馬  
廼一請馬價而太僕寺駁之。兵部司屬又駁之。

叩

閣請餉之疏。自五月來不啻舌敝唇焦。淚盡成血。  
屢歷

明旨催發。而它人視之蔑如也。當六月關外餉不

固難投醪而挾纊。逮七月初外解漸充。又將那東以補西。豈非臣弟之厄數。當畢命於此日乎。各邊舊餉亦有遲至十餘月者。然其兵則土著也。其所靠不專在戶部年例。仍有民糧屯糧在也。卽所欠亦係歷年壓支。相延日久。非真數月無餉也。若遠則異是矣。以烏合蟻聚之人。當承珠薪桂之地。枕戈以待大敵。從來如奉勝子。歷月無餉。人何以堪。語云。饑寒切身。雖慈父不能保其子。匿帖屢傳。兵心大變。豈足異哉。臣弟賦

性剛果遭變之始因見體統陵夷冠履倒置  
於奪刃自裁既不得死忿氣填胸隨即昏死  
後時有清醒旋又昏暈事定投意草疏以報  
皇上席藁待罪餘官皆獲無恙臣弟竟至不起此臣  
弟隕生之始末也說者曰借口索餉或有別情  
夫緣索餉而變生及得餉而事解自足爲勢國  
職方司山海小報云撫院衙門什物文卷被毀  
搶出散碎銀二三百兩則臣弟之原無厚積可  
知也說者又曰善馭兵者能使親上死長可生

可殺而不可使爲亂。何至操戈相向。言及此則  
臣弟撫馭乖方。調停失宜之罪。自無所逃。臣又  
不能爲臣弟諱。而願爲臣弟甘罪者也。臣本由  
澤之癩原。無榮進之念。一旦遭逢

聖明。非常知遇。起臣田間。授以重任。自揣不勝。兩疏  
控辭。未奉

俞允。無敢偃蹇家園。是用星馳就道。甫入

都門。卽聞此耗。骨肉摧殘。雁行中斷。連日痛哭。肝  
腸寸裂。緣臣訓誨無素。禍中臣弟。臣弟保身無

術辱及封疆。兼以罪人未得死。不曉臣。臣  
悼交集。無地自容。見今五內憤亂。四大支離。臣  
不能與臣弟相尋於地下耳。方今邊餉窘急。臣  
農一官實關軍

國命脉。臣當衰朽摧毀之際。豈能精心而料理。臣  
值家門僂辱之餘。尤難覩顏而視事。惟有束躬  
待罪。乞此餘生已爾。臣初亦欲殫心竭力。少報  
聖恩於萬一。始返初服。而今方寸盡灰。神銷骨立。願  
萬萬有所不能矣。臣弟旅櫬漂泊。二姪幼穉。家

口零丁。萬狀可憫。願祈

皇上俯賜矜允。罷臣之官。削臣之籍。以爲臣弟治罪。無紀奉職。無狀之戒。俾臣亦得收弟遺骸。扶柩回籍。撫養幼姪。以遂下情。辰下本部印務。暨令左右侍郎署掌。別選賢能以充厥任。仍望

令新任督師務得倡亂渠魁。付之三尺。以雪臣弟之冤。庶

國法旣伸。

國計無悞。臣一門生死均戴



鴻慈無紀極矣。

禎元年八月十九日具

奏本月二十二日奉

聖旨寧遠變出意外。知卿至情。東西交託。國計未  
還以國事爲重。卽出料理。不必再陳。該部知道。欽  
此。

委官清查邊餉增額疏

題爲足用更無奇策止有清汰之方敬陳末議少  
資補救事崇禎元年七月二十九日該戶科抄  
出四川道監察御史梁子璠題前事等因于十  
月二十七日奉

聖旨覽奏九邊例餉比

皇祖朝多至八十餘萬該部卽選敏幹司官二員協  
同戶科給事中一員據此疏額數挨年按月備查  
增額緣繇并查每鎮原額民運若干屯糧若干後

來因何缺乏以致全靠京運今欲減省京運額  
何緣得充務詳細查覈悉心條奏以聞京營料價  
銀總協巡視科院會同查奏京支雜項戶部自行  
查奏該衙門知道欽此欽遵抄出到部隨該臣部  
署部事左侍郎王家禎一面選差司屬一面移  
會戶科查取應差科臣去後今准該科都給事  
中段國璋開送應差官給事中陳良訓到部  
此該臣遴選得本部新餉司郎中范鑛邊餉  
郎中張鵬紳俱敏幹堪委相應具題恭候

命下臣部移行戶科給事中陳良訓及劄郎中范鏞  
張鵬翀欽遵

明旨清查奏

聞

崇禎元年八月二十一日具

題本月二十四日奉

聖旨是欽此

節省公用助餉疏

題爲清查公用銀兩以助邊餉急需事八月初五日准吏部咨前事昨遼東兵變祇因缺餉所致已蒙

召對議各衙門一應銀兩盡行清查搜括以濟急需等因准此該臣等查得臣部公用銀兩止有鈔鈔關扣省錢鈔餘銀并崇文門額解公費員生餉司簽柴草場餘剩葛稻等銀據各衙門呈解到部俱批送貴州司照數查收於公署廊廡之

間以備脩理各堂及十三司公署并筆墨炭價  
飯資與寫本紙張并本衙門及戶科各役工食  
禮部炭價等項應用貴州司照數登記各司於  
堂支領銷筭用剩餘銀積至千兩以上解送太  
倉濟邊餉係先年題

准事例如遇貴州司掌印官陞遷造冊報部交代相  
沿已久除往年不開外查循環簿內先任本部  
尚書李起元天起五年十二月發密雲年例銀  
四千兩天啓八年又發薊州易州二鎮濟邊年

例銀五千兩俱未題

知先任本部尚書郭允厚天啓七年三月發冒鎮軍  
例銀四千兩崇禎元年三月又發山海鎮新餉  
銀三千兩此則奉有

欽依者也今蒙

聖明灼知邊餉匱乏

留神接濟

諭各衙門搜括公費總爲臣部捉露無策共爲引手  
以濟然眉臣部方自媿溺職以上賂

君父之憂而搜括報

命寧敢自後於他人乎行據貴州司查報臣部見在積存公費銀約一千五百兩又自三月以來屢據九江濟墅河西務淮安各鈔關解到捐助

大工銀共四千五百餘兩原係各官欲自題助後因三殿大工報完暫寄臣部原疏未上連前公費共得銀六千兩今并搜括爲軍餉用蓋以

公家之物還之

公家自非本衙門正項支銷臣部不敢妄用分毫



也今次因有助工銀兩爲數稍贏此後亦恐未  
能取盈此數也姑俟再有積餘另題充餉庶土  
壤無增泰岱而涓滴亦赴洪流矣

崇禎元年八月二十八日具

題崇禎三年二月二十二日奉

聖旨這該部奏進銀兩揆着再行稽查一併解助軍  
餉欽此

遠餉不敷濟急無奇疏

題爲遠餉不敷濟急無奇懇祈

聖明申飭務覈雜項新餉實數并求清覈虛冒實著  
以資飽騰以垂永賴事粵自遠左發難以來三  
韓卧甲萬姓浚膏司計苦於仰屋黔首疲於抽  
緣亦既十年所矣延至今日索餉愈急措餉愈  
艱至使饑兵跳梁撫鎮慘辱幾年來新復之遠  
疆將有扞搖震動之勢亦岌岌乎殆哉臣以至  
愚極陋承乏司計黠金無策負乘爲憂則講求

足餉以自附於顧大補牢之義曷敢須臾緩也  
查省直各餉每畝加派九厘除北直蠲免四川  
湖廣雲南留用並充黔餉廣西截留淮安減免  
山東留作島餉及工部坐派分餉外實在徵錢  
南直浙江江西福建廣東河南山西陝西廣西  
并延保二州僅二百九十九萬三千七百餘兩  
加以各省直新增雜項新餉內除湖廣雲南四  
川全留又廣西一半俱留充黔餉山東全留充  
島餉實在雜派并運司關倉節省等項共約銀

九十七萬五百餘兩以上正項雜項新餉每歲  
入數約銀三百九十六萬四千二百餘兩而各  
關鎮月餉馬乾并本色米豆草束及召買運價  
每歲出數約銀五百二十一萬六千八百餘兩  
其出浮於入者實該銀一百二十五萬二千五  
百餘兩而額外雜支援兵行糧犒賞之費不與  
焉夫正項雜項新餉皆爲遼左設也今黔餉費  
至百萬島餉又費七八十萬以額設於遼者而  
瓜分至此則遼餉之不敷宜矣今

聖主焦勞於上、百執事憂勤於下、凡可佐持籌而補廟謨者、亦既章滿公車、臣部見在虛心酌覆、未敢泄泄從事、廼若臣所自靖自獻者、目前急著實未敢爲新奇可喜之論、恐言之而難行、徒病民而悞

國終無當也。亦未敢蹈因循玩愒之習。恐日緩一日。後之視今。猶今之視昔。而不給者愈不給也。正項新餉。有歷年督催俱藉督餉御史爲政。半年有截叅。年終有舉劾。身繡威靈。人情振懼。

須照例查不必再議更張惟雜項新餉原  
餘於本部尚書汪應蛟集議多中肯綮然未有  
定額也覆議於本部尚書李宗延因各省  
有定額遂懸坐以額而未經蘇撫按回

奏亦無坐落州縣確數猶在或行或止  
有解不如數者有全不照管者夫雜項新餉  
用以佐正項之不敷奈何任其延捱坐誤軍需  
可扼臣謹臚列以請

軍裁如新增鹽引銀除遼餉舊額及廣東題留外實

在銀二十五萬六千四百有零見在徵庫加  
新增釐課銀二萬八千九百有零年來改助

大工今工已告竣應歸還臣部容臣照數催解無  
再議其餘雜項新餉一爲衛所屯田照抵播餉  
每糧一石加銀八分蓋屯田與民田一體民田  
既經加派屯田不得獨免且原議山陝極邊  
議止徵腹地屯田令各省屯田道掌行又徵  
京衛所屯地責令屯田御史派徵事體人情亦  
爲妥便柰何不清查確數使得恣意影射

爲省直倉穀。省直倉穀有積貯陳紅者有倉  
庾懸罄者難以律齊原議一半糶銀解部但恐  
有司借口備荒申詳往返竟束高閣然而自理  
紙贖秋冬積穀春夏折銀此定例也各府州縣  
原有額數若以秋冬穀備荒而以春夏銀充餉  
事亦易辦而未見奉行者良以州縣所積銀錢  
率係子虛烏有司府未必覈實又何繇轉解  
一爲抽扣工食原議民壯十取其五各役十取  
其三續議民壯各役俱取十分之三此輩中務



掛搭應役未必專靠工食民壯額設頗多原爲  
巡守地方之用後僅用以差遣奔走盡人抽練  
照額充餉無得免者立法良善近日有司親臨  
近習方且隔年透支又寧議抽扣乎一爲優免  
丁糧原議京外文武職官舉監儒吏人等優免  
丁糧自天啓二年爲始仍行徵收扣解充餉惟  
生員照舊優免不在扣解之內其制亦善職官  
儒吏受

國厚恩當此軍餉匱竭之時夫豈坐享優免之日

且逐人優免則似見其少積累扣解則漸成其  
多惟是有司牽於情面未免因循免派上司務  
爲長厚未肯加意清理弊政坐視一爲房產稅  
契夫房產稅契律載甚明每兩舊例三分近議  
改爲每兩二分又改五年小造十年大造爲逐  
年一造之例夫過割遠則封納便緣稅契爲限  
制則花詭清此極利於有司而有司非牽於情  
紳生儒之體面則晏安息情志不足以率氣全  
若實實修舉必務契者方許推收但稅契者即

報充餉無相屬托無人私囊豈無官乎一爲  
薪馬夫原議兩司及府州縣正官免其捐取俸  
查各官例設轎傘人夫堪備役使原編祇候馬  
夫似可暫裁充餉與缺官俸薪一體解部其司  
府首領州縣佐貳祿薄馬夫銀免解夫俸薪馬  
夫卽缺官日亦必派徵今有解有不解則各官  
恡吝不發而亦無爲執法督催者一爲典舖  
抽稅原議省直典舖酌分五等資本自萬金以  
至一二千金輸稅自五十兩以至十兩不等夫

典舖射利所得不貲按本輸財兼寓抑未亦租  
良法而有司多爲勢豪阻撓其實心奉行者鮮  
一爲鈔關稅銀天啓元年六年兩次共題增  
各關稅銀一十五萬一千六百兩及查各關銀  
報天啓六年猶踰於十萬之外天啓七年遂僉  
於十萬之內當日增額原非無據徵解不足可  
覘才守其卹商耶抑取之商者自多輸之

國者自少耶各關司屬若肯皇皇憫時表表自愛  
省交際節浮費何詎不足歲額耶今後但有此

額卽當於考覈時從重懲治一爲撫按公  
啓四年原定總督巡撫巡按鹽茶屯馬等差  
有公費贖贖等項共銀二十二萬五千餘  
查近年徵解天啓五年幾及六萬六年僅餘  
萬七年不及二萬豈非法令久而玩愒滋耶  
民且竭髓以應加派下僚且却俸以答捐輸  
建牙持斧之臣豈遂無憂

國急公之念耶所當勉湊涓滴共濟軍興者也  
上雜項新餉九款本部原定額數甚多而各省

直所解額數甚少未免有名無實虛應故事是  
必仰賴

天語叮嚀責成撫按司道督率有司著實查覈勿以  
田倉穀抽扣優免馬夫州縣俱有冊籍一按籍  
而可定典舖雖開設不常稅契雖多寡時異亦  
可約畧大數關稅已有成議必求如額撫按公  
費如果原派稍浮不妨明白聲說著爲定例務  
限三月以裏具實造冊徑自

奏報以後每歲照例輸將如開報不實及逾期不

報者容臣部查舉則雜項新餉悉歸實者無訛  
空言者矣此外仍有續議新餉不列於雜項者  
則免

覲之路費是也又有應改新餉原議所未及者則有  
司之雜支是也先是天啓四年本部尚書李宗  
延覆戶科給事中陳良訓疏凡府州縣正官入  
覲設有盤費遠者或百兩近者五六十兩此俱已編  
已徵之銀官既免

覲與其留之別用不若用以充餉題奉

欽依是年免

覲銀兩到部四萬餘兩今歲正值

覲後而外簫何以寥寥也卽云客歲免

覲者少亦當什得其五不容遂至沉閣者也各府州

縣原編雜支公費銀兩備上司按臨及過客交

際之用及查衝途州縣俱設驛遍則廩糧支應

自驛通任之乃州縣又復呈送下程小飯重複

非體糜費可厭此在承平已爲牝政今當東西

交訖三空四盡曷若捐爲軍餉之用竊計各府



州縣俱當量留三分之一以備上司纏障及  
方必不容已之需其途衝無驛者量留三分之  
二餘悉解充新餉此後上司過客經臨一舉不  
許再送程飯以省虛糜臣前督餉天津有景州  
知州晉承忠曾請詳議損時以議論未一不果  
今當斷在必行者也至若昔年額收遼東舊餉  
京運民運原共銀七十二萬四千八百餘兩年  
來北直召買有用京邊舊餉者仍議以新餉補  
還說者僉謂既有遼左舊餉似當徑爲開銷亦

自有見所當准行其餘仍充島餉及舊餉通融  
支<sub>レ</sub>至榆關內外及薊密永津各鎮月餉固有  
成額然而將領占冒人言嘖嘖未必無因軍遊  
馬倒召補買補動踰旬月又有曠銀當扣還官  
昨督師尚書袁崇煥於

召對時慨然以節省六十萬自許臣未嘗不擊節  
之又未嘗不肝銜望之也卽折色軍餉難頓減  
如許而海運米豆孰非金錢召買但減省本折  
共得六十萬亦可少紓臣部巧炊之苦矣又務

餉應聽開門支用而節密永津新兵所費不  
八十五萬夫奴志然前邊微重地何處無兵  
緣東事張皇處處增兵增餉不舊兵是飭而  
兵是問就中實有當議裁節者日節撫王應  
牙一經清查中協遂節省二十萬總督喻安性  
遇臣於途毅然以裁一最爲已任一片忠盡與袁  
崇煥不約而同斯亦邊腹諸臣之榜樣也以清  
理雜項開餉之源以清汰虛冒節餉之流俾家  
喻而戶曉則耳目一新無慢令而致期則精神

自奮摯舊章而提醒堅乃心而振刷庶可補葺  
遼餉於萬一乎。亦有說焉。邊陲征調時有新餉  
四應不贍。查得先年省直俱經加派新餉。天啓  
元年、北直順永、以逼近山海轉輸絡驛與山東  
登萊爲海運經歷之區。題

請全免保定青州俱保隣近地方每畝減免二厘。天  
啓二年恭奉

聖諭北直地方頻年騷擾苦累尤甚并免加派以示  
優卹於是八郡盡免以培

畿輔根本後青登萊三府海運暫停復議加派  
因島兵索餉登萊再復海運而加派如故用是  
登萊仍欲比例規免夫新餉尚苦不敷誰敢輕  
議免者無已如遇軍興徵調萬不得已之時量  
復保河六府新餉以充不時之需以服登萊之  
心蓋首善重地自宜亟爲優卹而休息已久不  
妨好義急公今尚未敢遽議改絃者也區區劬  
堯聊陳一得總之申成說而非爲勦襲窮搜括  
而非議加派務求實著少濟空囊仰祈

聖明採納申飭施行。○榆關嘉賴不淺而臣亦得藉  
手以逭罪戾矣。事關缺糧不得不詳稱踰格限  
并望

聖慈垂答臣無任悚惕待

命之至

崇禎元年九月初一日具

題本月初四日奉

旨這奏新餉雜項九款額數未確的。你部便移  
各撫按督率有司詳細查覈限三月以裏具實

冊奏報府州縣上年免覲及雜支公費銀一併  
報清覈虛冒已有屢旨止王應豸王會圖兩縣奏  
聞各邊腹諸臣豈無憂國忠蓋你部還申飭行  
此

襍項冊式

附

戶部爲遵餉不敷濟急無奇懇祈

聖明申飭務覈雜項新餉并求清覈虛冒實着以資  
飽騰以垂永賴事照得本部因遵餉缺額查照  
先年頒行雜項九款題

請申飭已奉

旨將九款額數未確者下部移文各撫按督率有司  
詳細查覈

欽限三月以裡具實造冊奏報矣內除督撫軍餉巡  
按公費兩款另行查酌鈔關稅銀另行申飭外  
其屯田等項七款附以免

覲路費及雜支公費仍共九款頒行省直誠恐造冊  
叅差致費查駁道途往返動經累月關門駁  
豈能久待爲此逐款頒式以期畫一各該衙門



務要登答如式詳悉造冊

奏報并知會本部查考施行須至冊者

計開

一項衛所屯田

前件照得屯田原議每糧一石加銀八分  
有正糧之額則有加派之額此絕不能  
以意爲增減者省直造冊須要細開其  
衛其所屯糧原額若干照例加派該銀  
若干後方合總共該加派銀若干以便

本部將屯糧底冊覆加對筭如有欺隱  
定行叅

奏毋得朦朧互混任意減免自取未便

一項省直倉穀

前件照得各府州縣紙贖秋冬積穀春夏  
積銀在在皆然留穀以備荒賑解銀以  
濟危潦此易易事耳省直造冊務要分  
府分州分縣要見某府春夏贖穀額該  
贖穀若干折銀若干州縣如之每府

屬結一小總每省結一大總務要  
銀兩絲毫無漏本部見有歷年各處考  
滿文冊積數數目備悉可查如有隱漏  
定將該府州縣見任官指名叅

奏

一項抽扣工食

前件照得初議抽扣之日民壯與各役原  
分兩款近因議定扣法俱取十分之三  
故摯歸一處第恐法行已久各處原案

未確不得不再爲詳載民壯工食畧舉  
一二如福建機兵銀一十六萬五千餘  
兩湖廣民壯銀一十三萬六千餘兩者  
是也各役工食除看司門子走遞舖兵  
儒學門子免扣外其餘皆在應扣之數  
畧舉一二如山西銀力二差銀三十八  
萬二千餘兩陝西銀力二差銀二十三  
萬七千餘兩者是也省直造冊務須分  
府分州分縣要見某府額設民壯若干

每年工食若干十分扣三應扣若干  
設某役若干每年工食若干十分扣三  
應扣若干州縣如之每府合屬結一小  
總每省結一大總不得分毫遺漏如有  
欺隱查出之日定行

奏請提取該省賦役書冊對筭查叅治罪

一項優免丁糧

前件照得優免一項除生員照舊免扣外  
其文武職官舉監儒吏皆有定數或以

情面而免派或以侵漁而漏解積弊不可窮詰省直造冊須將某州某縣鄉官若干該扣優免丁銀若干糧銀若干舉監儒吏若干該扣優免若干每府合屬結一小總每省結一大總開載備悉以便查筭各府州縣例有憲綱文冊臚列鄉宦等項甚悉本部間一秘取查對一目瞭然倘有隱漏定行叅處

一項房產稅契

前件照得稅契一項近經本部酌定每  
二分官民兩便此項銀兩止爭多寡不  
爭有無蓋有田土則有過割有過割則  
有稅契權其地方大小自可認定額數  
省直造冊務須分州分縣要見某州某  
縣每年認定稅契銀若干每府合屬結  
一小總每省結一大總如有托稱幾年  
方一編審不便年徵稅契者須于本州  
縣之下明註前于某年編審曾解過稅

契銀若干訖今又應于某年編審方行  
起解以便本部查前案後稽覈到底倘  
有假托縣閃查出定行特叅究處

一項俸薪馬夫

前件照得兩司各府及州縣正官有一官  
則有一官之祇候馬夫前因申解銀兩  
未曾細開正官員數以致額多解少今  
除司府首領及州縣佐貳等官照例免  
開外省直造冊務須細開某司某官幾



員每員馬夫銀若干某府某官幾員  
員馬夫銀若干卽州縣止一正官亦須  
將州縣名色造入冊內以免遺漏司府  
各將銀數結一小總該省結一大總以  
便查筭至于缺官俸薪按日扣解每遇  
年終亦須造一清冊連銀解部積少成  
多皆濟

國用毋謂其瑣瑣也

一典舖抽稅

前件照得省直典舖原議酌分五等資本  
萬金以上者爲一等歲輸銀五十兩七  
八千金者爲二等歲輸銀四十兩五六  
千金者爲三等歲輸銀三十兩三四千  
金者爲四等歲輸銀二十兩一二千金  
者爲五等歲輸銀十兩設法不啻詳矣  
第資本盈縮舖面多少皆難執定今令  
省直造冊止開某州某縣認定典稅幾  
處該銀若干亦要每府合屬結一小總

每省稍一大總如有州縣稱無典舖  
卽于該州縣行內明註無典舖三字  
別有所聞以有爲無定行查參追補

一項免覲路費

前件照得免

覲路費載在陳掌科原疏甚詳中云州縣正官入

覲原設有盤費銀遠者或百兩近者或五六十兩此

銀編于賦役已徵在官官旣免覲應解

充餉今各省直有題留免覲者亦有缺

官免覲者應將崇禎元年免

覲各官花名造冊具報并將路費銀兩刻限起解

本部仍行吏部查取免

覲官員數目查對如有遺漏先提承行吏書究處仍  
行查叅

一項雜支公費

前件照得雜支公費各府州縣每年俱有  
額設銀兩多半以充無益之費詳在疏  
中各省直造冊務須分府分州分縣要

見某府某州某縣額設雜支銀若干分  
別衝要簡僻有無驛遞每年認定扣解  
若干務在道府斟酌裁扣其所扣銀數  
每府合屬結一小總每省結一大總不  
得朦朧市恩吝恠致滋隱漏

以上各款皆從昔年會議

欽依款內摘出畧節本部不過重言以申明之正厥  
中所云不敢爲新奇可喜之論言之難  
行徒病民而悞

國也所望內外同心覈實

奏報刻期起解上以荅

主上宵旰之憂下以解榆關庚癸之厄本部亦陰受  
其賜

聖明在上無一刻忘封疆無一刻忘措餉責成甚亟  
屬望甚懸幸勿以空文視之

舊餉告匱。鎮呼。疏。

題爲舊餉告匱邊鎮呼庚乞。

賜申飭追徵原設民屯。清汰踰額營伍。以足經費。以救然眉事。今天下不可謂無事矣。東。奴賊之竄。而薊密一帶。在在戒嚴。西。擦酋之披。而宣大二鎮。時時枕戈。至於山陝諸鎮。

服無常。戰歎靡定。無地不設重兵。無人不需月餉。臣部沃焦徒急。無米難炊。目今羽檄頻馳。飛章疊至。非以數月無糧見告。卽以效尤寧遠爲。

憂臣承乏司計不啻疾首腐心視事之初增  
諮諏敢扞固陋仰佐持籌一曰覈民運之進欠  
國初九邊主客兵餉俱有各省州縣民運以資  
供億後來間發京帑不過一時權宜之計下濟  
急需若民運一分之充足卽京運一分之節省  
無柰承平日遠疆場之臣忘其初意以京運  
爲必不可少之物其視民運積逋漫不經心又  
亦特有京運可補耳往在全盛之時尚難虛內  
事外况值茲匱乏而甘同尾閹洩之可乎如宣



大山陝等處有京運卽有民運且有民運倍於  
京運者而庚癸頻呼於內部誤餉盡責之司  
夫臣部舊餉缺額至一百六十餘萬猶竭力供  
辦省直民運俱

祖制額編乃任意延逋。此理。不知臣部之京運  
亦各府州縣之所解納億萬姓之所輸將非徒  
天降地出與民運何異柰何岐而視之也。查  
各邊鎮雖有年終考成叅罰之例但原題奉

欽依行各餉司會同撫按查叅顧餉司體輕既不

於白簡從事、撫按勢重、又不屑與餉司會、叅  
此各自推諉、逋賦互爲影射、而查叅之典廢矣  
卽令有其舉之、亦虛文也、今後責成各鎮撫臣  
年終徑自查叅冊送部、餉司亦照舊例一體  
查叅、臣部核實叅其山陝極邊地方有疲瘠  
太甚者、准照腹裏上疲州縣預爲題明、量  
減分數、開一面之其餘分別懲戒  
積玩之習、從此稍振、此後臣部先儘民運原  
額以酌發京運之數、儻逋欠仍前而叅、疏不至

異日邊儲有誤疆場之臣難他諉其責矣一日  
議屯糧之徵收

唐制軍丁俱隸衛所各有屯田徵收本色入官還充  
軍糧支放是卽唐朝府兵管用寓兵於農之意  
聖祖所謂養兵百萬不費民間一粟者此物此志也  
迨後年穰寢深澆變有子孫多瓜分  
其田者有貧窶甚而轉鬻者有丁倒戶  
絕而埋沒無存者有田本磽确而荒蕪不治者  
不才武弁旣視爲乾沒之資奸猾軍旗又恣爲

延捱之計、又或無災而辦災、不遵納本色、而  
納折色、一經改、每石多不過三錢、又且緩征  
逋負、於是屯糧之設、什不得五、又不當出而

祖制盡湮沒矣、兼以兵旣漸多、餉亦漸厚、而餉愈不  
給矣、爲今之計、似當行委府佐官員、加意查核、  
履畝清丈、有埋沒者、則遡流而窮源、有荒蕪者、  
則設法以開墾、清查完日、地方撫按具實奏

圖造冊報部、定爲額數、除原經題

徵銀衛所、照例追納外、其餘仍舊徵收本色入倉、

非遇大荒不得輕議改折以歷奸貪之腹  
邊鎮糧廳督同衛所管屯官徵收其離糧廳寫  
違者分委坐落州縣徵收而完欠叅罰仍歸於  
武弁亦不得乘機卸レ則屯糧漸復

祖制之舊而邊餉亦稍助一二矣一曰嚴京邊之  
考成目今太倉如洗朝不及夕

國家隱憂莫此爲甚乃各省直京邊錢糧共止三  
百四十二萬九千八百九十餘兩而拖欠者每  
歲約至百萬臣部將何所賴以撐持乎固緣百

姓物力有限既完新餉頓逋舊餉亦繇有司者  
新遺舊以爲樹德市恩若曰是可緩圖云耳至  
於考成之臣部年終查叅雖有成例而中外  
奉行未盡如法向來或以徇情而開寬假之端  
或以嫌怨而從姑息之政法之不行躬自亂之  
請自今始務期振刷凡摘叅查叅一如成例不  
以官之崇卑資之輕重任之淺深微分軒輊其  
間至有司考滿陞遷臣部俱得以完欠覈之乃  
有臣部已經叅罰而撫按旋題考滿者亦有臣

部已掛彈章而銓部旋登啓事者又有錢糧完未足數強求開俸考滿稍不遂意卽怨譁橫生者查叅不足以示懲有司何畏焉諸如此類容臣部執

奏以伸

國法又考成上例止于薄罰降級

功令太寬玩愒易起今後臣部查有拖欠獨多漫不經心者特糾叅一二人立便離任從重降調昔年尚書李宗延一覲叅知府十許人俱削職

民是年歲入頓增一百八十萬此其驗也今  
支之困極矣出入之數相懸生財之藪已盡  
恃爲九邊續命者止此維正之供而積玩成習  
非惕以功名之路則人不畏再不堪諱言催科  
以致弁髦

功令貽外解幾斷之憂也一曰汰踰額之營制先年  
各邊鎮俱有一定兵馬一定糧料名曰經制如  
田之有畦不得踰越逮後督撫條議陸續添設  
總爲固圉防邊言亦鑿鑿可聽然兵日增而餉



日益後遂至於不可繼矣如近日四川道御史  
梁子璠所陳兵馬踰額之數具係歷年增加臚  
列甚詳可覆按也現奉

明旨委科臣司屬會查顛末惟是封疆事重難以遙  
度惟身親其地者方可酌議裁節合無俟查明  
仰借

明旨申飭責成督撫虚心酌議昔何以減而有餘今  
何以增而不足度其緩急設法裁汰以歸經制  
夫三年大閱執三尺以料繩軍前經費錙銖

必核萬曆初年曾差御史後改差科臣未幾  
歸巡按御史相延日久視爲故事亦漸非其質  
查天啓七年係大闕之期各差巡按御史請  
勅奉行今尚有未竣事者仍借

天語叮嚀俾其會同督撫一心講心加意綜覈流冗  
節務復經制之舊斯亦今日清餉之急務也  
再查薊密永昌四鎮新增鹽菜銀二十二萬六  
千二百五十四兩九錢五分係天啓二年原在  
督臣王象乾議加原止題發一年以後并未題

該鎮絕望已久。臣部故額猶懸。亟宜議汰。不煩再計。蓋今日軍餉。別無生之一法。止有節之一法。額外節得一分。則額內留得一分矣。總之清理民屯。稽核京邊。直還以軍餉之所固有。而考覈經制。澄汰兵食。實祛其邊鎮之所本無。雖平平而無奇。實鯁鯁而過計。與惟

聖明採納。加意舉行。則餽餉足而軍氣揚。藩籬固而堂奧安矣。

？禎元年九月初一日具

題本月朔四日奉

聖旨國賦止有此數二運多通管額漸踰京邊錢糧  
歲欠約至百萬何以支給奏內民運查叅疲瘠  
方題明量減屯糧督同徵收不得輕議改折有司  
已經叅罰不許考滿陞遷拖欠分數多的特料  
處管伍踰額酌議裁節漸復經制三年大閱御  
加意綜覈不得視爲故事俱依議着實申飭行  
四鎮新增鹽菜銀既原止題一年後并未發准  
去欽此

遼變原因缺餉。許漸至失。疏

奏爲遼變原因缺餉。互許漸至失實。謹備陳兵餉完欠之數以祈

聖鑒。以俟會議事項。寧遠四月無餉。川湖諸兵怨憤。狂逞僇辱。撫鎮及文武各官。臣弟自肅因而隕命。署部左侍郎王家楨具疏請罪。管餉鄭中王楫抗疏相詆。一時缺餉致變情形。昭然在人耳目。祇緣王楫有封閉四十萬之叅。而家楨不服也。家楨奏辯。原未緩應。而王楫亦不服也。頃

月二十九日奉

聖旨王家楨王楫互奏畢自肅節次請餉原奏科道  
官叅論寧遠各奏并朱梅着該部會同九卿科道  
從公看議限五日內具覆欽此竊念臣弟自肅奉  
乏撫遠凡六閱月真見遠左孤絕之地百物匱  
貴兼以遼兵烏合之衆人情兇狡決難枵腹  
艾其請餉諸疏無月不有先是三四月等月  
共有六疏雖兼陳他事而請餉殊迫又具錢糧  
清數揭帖發抄一次塘報帶催月餉一次請餉

書啓發抄一次而公移疊案無論也至七月內復有兵餉久絕及旦夕告急二疏則情景倉皇辭氣激烈岌岌乎有朝不謀夕之勢矣屢奉

明旨火速發炳若日星家楨漠然悍然全不動念初五六月時猶曰外解不繼也至七月初旬庫積幾二十萬此時若發得一月之餉猶可以救臣弟之死而所發止二萬至七月念日以後此時已收庫者與寄庫者近四十萬方於念三日發銀九萬而兵變卽在此月之念五日已無及

矣。聞變之後。立發二十四萬。然何救於臣弟危  
亡之數哉。積所藉口者在每月新增二萬爲  
未定之數。自去歲八月積至今年七月便成二  
十四萬之欠。四月內曾經執奏不便找補。以此  
卸擔查關外戍守漸遠。招集漸多。天啓七年七  
月鎮監題

請添兵增餉奉

旨議處該本部原任尚書郭允厚於八月內題覆合  
行督師及餉司備查各營新增兵數并應得月



餉給發奉有

欽依崇禎元年二月准督師王之臣咨覆并寧遠餉  
司呈來該新餉司看得該鎮官兵以六萬計故  
發餉十萬兩今十月號冊已多九千八十餘員  
名兵增則餉亦增自十一月起按月請發十二  
萬兩該鎮月餉已發至二月自十一月起至二  
月止共該找銀八萬餘兩已經說堂割庫允發  
回咨督師知會餉司矣安在爲未定之數耶  
是家楨署部每月割庫俱十二萬而實止發十

萬蓋庫銀不敷。明欲留此二萬以俟徐補。至  
月內。據寧遠餉司喬魏案呈。自去年八月起。至  
十月止。共該找補增兵銀三萬五千二百三十  
九兩九錢六分零。復經准行割發。又安在爲未  
定之數耶。在內雖歷舊而支新。在外實那後以  
補前。中外扞格。數目參差。則禍所繇來矣。關外  
月餉之外。每月又該馬乾二萬兩。班軍鹽菜銀  
五千兩。每月共該銀十四萬五千兩。家楨疏稱  
任內共發過寧遠兵餉銀六十九萬兩。內七月

念三日并聞變後共發銀三十二萬皆緩不及事者也。大約署部止作五月共該發餉七十二萬五千兩未鼓譟前止發三十六萬兩內仍有二月五萬兩尚欠四十一萬五千兩而自去年八月至今年二月共新增銀十一萬五千三百餘兩又未補七計鼓譟時尚欠各項餉銀五十三萬有奇而可謂無缺耶。變後續發之餉果可杜禍亂而救臃臍耶。臺省諸臣督過撫鎮原是責成封疆之大義督師行邊追究起釁自是緩

靖邊徼之良策。若遂以此藉口。原未缺餉。兵  
非緣缺餉。臣有死不服也。且關外親蒞。目擊者  
莫督師巡關若矣。乃關臣王會圖疏曰。撫臣泣  
懇哀號。幾於一字一血。亦既奉有速發之

旨。而司計者竟秦越視之。我雖不殺伯仁。伯仁繇我  
而死。慢事之臣。百口何能卸罪耶。真可爲此事  
之斷案矣。近督師袁崇煥。兵正法一疏。據各  
兵狀。缺餉四月。饑困傷心。與死爲隣。又有臣自  
媿不能以血誠。感計部早發餉。以彌變等語。餉

缺餉足卽此可辨。約略錢糧大局并陳關外  
實欠疏云關外每月月餉與馬乾鹽菜共支至  
十五萬兩而部發僅十萬自餉司喬魏以至於  
今安得不積而欠四十七萬乎。又何必多爲  
掣肘。只缺四月之餉便足死一撫臣。又豈非缺  
餉之左券哉。臣里居時兩接臣弟手書謂少司  
農留新餉以充舊餉若有意相苦者。又望臣早  
到部。大旱之望雲。臣弟竟不能待。而臣亦  
竟不能副其望。今手書具在也。軍餉久絕軍情

大變呼額辭窮坐以待斃豈不哀哉臣極知  
部匱乏措餉甚艱亦知擦酋跳梁留餉以備亦  
是人情設身處地臣非敢以此苛責家楨但就  
中亦宜相度緩急量爲接濟而卒不肯稍爲注  
念臣弟一身一家性命不足惜而使危疆震動  
國體大傷誰任其咎且屢疏以爲原未缺餉以新  
增每月二萬爲未定之數以變後續發三十三  
萬爲實給臣等之數萬一

聖明震怒真謂月餉未缺亂繇自招

雷霆斧鉞之下臣家門將爲齧粉無噍類矣家楨與  
臣爲同僚臣初原不欲言恐傷雅道惟是事久  
不決辯議紛紜臣若畏禍緘口不出一言剖析  
使臣弟旣隕其身又隕其名臣弟何繇瞑目九  
原天下謂臣薄於兄弟之誼上何能抗顏

朝端下何能歸見宗族乎至於臣弟自肅請餉無  
術督工過急調停寡策信任失人臣亦不敢曲  
護其短伏願

皇上允臣前請將臣罷斥譴謫以代弟罪以謝家楨

則臣雖死之日猶生之年也目今九卿科道會議臣分當杜門避嫌不敢與聞謹抄錄臣弟屢次疏揭與原奉

明旨送會議處恭聽查勘用是冒昧有言備陳顛末并開具關外兵餉完欠細數仰祈

聖明照察并

賜會議以雪家門覆盆之寃以釋臣弟夜臺之恨感無任惶悚戰慄之至

計開



寧遠鎮

天啓七年十一月起至元年二月止劄發

找補新兵餉銀八萬兩

前件至今未發

天啓七年八月起至十月止劄發找補新

兵餉銀三萬五千二百三十九兩九錢

六分

前件至今未發

崇禎元年三月分兵餉銀該十二萬兩

前件四月初三日發二萬兩十二日

發八萬兩尚欠二萬兩

馬乾銀二萬七千九百六十兩

前件八月十二日全發

四月分兵餉銀除扣抵外實該十一萬五

千二百四十兩

前件四月十二日發二萬兩五月初十

日又發八萬兩尚欠一萬五千二百

四十兩

馬乾銀二萬兩

前件八月十三日全發

五月分兵餉銀十二萬兩

前件五月二十九日發九萬兩七月十

四日又發一萬兩尚欠二萬兩

馬乾銀二萬兩

前件八月十三日全發

六月分兵餉銀十二萬兩

前件七月十四日發一萬兩二十二日

庚子雜錄  
又發九萬兩尚欠二萬兩

馬乾銀除扣抵外實該一萬七千九百  
一十二兩六錢

前件八月十三日先發一萬二千四十  
兩尚欠五千八百七十二兩六錢

七月分兵餉銀十二萬兩

前件七月二十九日發十萬兩尚欠二  
萬兩

馬乾銀二萬兩

前件未發

八月分兵餉銀除扣抵外實該十一萬八千九百一十四兩二錢

前件七月二十九日發五萬兩八月二十三日尚書畢自嚴發五萬兩尚欠一萬八千九百一十四兩二錢

馬乾銀二萬兩

前件未發

崇禎元年春班鹽菜銀二萬四千九百八

兩三錢七分五釐

前件八月十三日發銀一萬兩尚欠一  
萬四千九百八兩三錢七分五釐未  
發

以上侍郎王家楨發銀六十四萬兩外  
有原揭發二月餉銀五萬兩未算共  
合六十九萬之數又尚書畢自嚴新  
發餉銀五萬兩共關外未發八月以  
前銀尚該二十九萬一百七十五兩

一錢三分五釐

崇禎元年九月初五日具

奏本月初八日奉

旨該部一併會議具奏此